

A ÑUCAMA SINANXUN CA AXA ANU TIMĚČĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chĕamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni rairi usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ĕsai iti 'icĕn: aĥu ĥu ĥui cara banaia a cupĭ ublocĕma itĭ, 'ianan aĥu ĥu cara sinania a cupĭ ublocĕma 'iti, 'ianan aĥu cara pisa tania pianan ain cuĕĕncĕ ĥu bianan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masĕ nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ublocĕma 'aish chĕamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upĭ iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ĥu 'acĕma 'aish ca camabi uni bĕtsibĕ sĕnĕn 'aish ubionancĕma upiti itĭ icĕ quixun sinanquin camabi uni usai 'inun 'aquinĭ camaxbi 'iĕsamaira oĭ upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atĕn sinancĕsabi oi nun nĕtĕnu 'icĕ unicama 'atima ĥu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ublocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚČĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ĥuicĕ banacama manutimoquin sinĕnan an ĕnĕ bana 'unancĕma unicamanribi upĭ oquin 'unĕnun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unĕnun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unĕnun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn isĕcĕ sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca aĥu ĥu ati cara asĕbi 'icĕn, aĥu ĥu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icĕ ĕmanu 'icĕ uni cara ax 'icĕ, ui unin aintsi cara ax 'icĕ, ax cara xanu 'icĕ, ax cara nucĕ bĕnĕ 'icĕ, uisa banan cara banaia. Nucĕn Papa Diosmi cara sinania, ami sinanima aĥu ĥubi rabi cara sinania, ui unicamax cara 'apu 'iti ice quixun sinania, aĥu ĥu cara sinania, uisai cara ain papa ain tita 'ia, ĥuĥu cara ax 'icĕ, ĥuĥuma cara, usa ĥucama sinanquinma ca gobiernonĕn camabi uni ĥu 'atima 'acĕma 'aish ca bĕtsi unibĕ sĕnĕn icĕ quixun sinanti 'icĕn.

Uisa cara ain nete icĕ, a nĕtĕ cupĭ ca uni 'atimocĕ 'itima 'icĕn.

3.

Ui unibi ca bĕtsi unin bamamiti sinantima 'icĕn. Ca chiquitimoĭ sipuacĕ 'itima 'icĕn. Ca 'atimocĕ 'itima 'icĕn.

4.

Uinu 'icĕ unixbi ca chiquitimoquin marucĕ 'itima 'icĕn. Uni chiquitimoquin maruxun 'ibuati 'afma itĭ 'icĕn.

5.

Uinu ice unibi ca 'aisamaira oquin uni itsin paĕ tanmitima 'icĕn. Bĕtsi uni ami nishquin paĕ tanmiquin 'atimocĕ a ca 'itima 'icĕn. Ĥuina 'acĕsa oquin 'atimocĕ ca uni 'itima 'icĕn.

6.

Uinu 'icĕ unĭxa uinu cara 'ia a ca anu 'icĕ gobiernonĕn uni itsi 'acĕsaribi oquin sinanti 'icĕn, ax bĕtsi unisaribi 'icĕ cupĭ.

7.

Uinu ice unibi, ami uni itsin upima sinanquin parĕnan 'atimonunma ca gobiernonĕn 'aquintĭ 'icĕn. ĕnĕ banacama sinanquinma ain cuĕĕncĕs a oquin unin unĭ itsi atimoĭ ami 'ĕsĕnanunma ca gobiernonĕn bĕrĕuti 'icĕn.

8.

Uni ĥu 'atima 'acĕma 'icĕbi uni itsin 'atimocĕ 'ixun ca a unin an uni bana mĕnioxuncĕ 'apu cati 'icĕn. Cacĕxun ca mĕnĭotĭ 'icĕn, gobiernonĕn cacĕsabi oquin.

9.

Uinu 'icĕ unixbi ca aĥubi 'uchacĕma 'icĕbi bĕtsi uni ain cuĕĕncĕsa oquin sipuacĕ 'itima 'icĕn. Sipunu 'icĕ ca anubi 'inun ĕntima 'icĕn. Ain menua ca bĕtsi menu cuantanun xutima 'icĕn.

10.

Unin uisa ĥu 'acĕ 'icĕa bĕtsi uni a 'aisamonun quixun ami mananquin cacĕxun ca an bana mĕniocĕ 'apun bĕtsi uni manancĕ a unin banaribi asĕrabĭ cara usa 'icĕ quixun 'unantĭ 'icĕn, uni rairinĕnribi ismainun. Upĭ oquin istancĕxuinshi ca cati 'icĕn, uisa cara a unĭ otĭ ice quixun, gobiernonĕn ain quiricanu mĕĭnosabi oquin.

11.

Uinu 'icĕ uni cara uni itsin ami manania, a ca an bana mĕniocĕ 'apun pain upĭ oquin sinantĭ 'icĕn, sapi ca ĥu 'atima 'acĕma 'icĕ quixun. Gobiernonĕn cacĕsabi oquin pain ca isti 'icĕn uisa ĥucama cara 'axa quixun. Uni rairinĕn ismainun ca axa ami manancĕ unicaman bana cuanan amia manancancĕ a unin banaribi cuanan an a uni unancĕ unin banaribi cuatĭ 'icĕn. Cuaxuinshi ca asĕrabi uisa cara a uni 'iaxa quixun upĭ oquin 'unantĭ 'icĕn.

Uisai cara gobiernonĕn bana quia usoquinshi ca an bana menioce 'apun a 'uchacĕ uni asĕrabi ain ĥu 'atima 'acĕ istancĕxun uisa cara otĭ ice usoquin 'atĭ 'icĕn. Anun a ĥu 'aisama 'acĕ nĕtĕ ain fecha isquin ca an bana mĕniocĕ 'apun a fecha gobierno quicĕ bana bĕtĭsoĭma a bana quicĕsabi oquinshi axa 'uchacĕ unĭ atĭ icĕn.

12.

Uinu 'icĕ uninbi ca ain cuĕĕncĕsa oquinshi bĕtsi uni 'imainun ain xanu 'imainun ain bĕchicĕ ubiotima 'icĕn, ain xubunu ca atsintima 'icĕn, ain quirica bĕtsi unin bĕmicĕ 'imainun quirica an buanmicĕ ca rairinĕn bitima 'icĕn. Usa 'ain ca uinu ice unixbi, a unix ca 'aisama icĕ quixun uni rairi sinanmĭ 'atimati banatima 'icĕn. Usai banacĕbĕtanbi an bana menioce apun gobiernonĕn cacĕsabi oquin meniotĭ 'icĕn.

13.

Uinu cara uni cuainsa tania, anu ca cuanti 'icĕn; ain nĕtĕnu 'aisch uinu cara tsotisa tania ca uni anu tsoti 'icĕn.

Ui unix cara ain nĕtĕnuax nĕtĕ itsinu cuainsa tania ax ca cuanti 'icĕn. Amanu 'itancĕx ain nĕtĕnu utĕĕĭnsa tani ca uti 'icĕn.

14.

Uix cara ain nĕtĕnuxun bĕtsi bĕtsi ocĕ 'ia ax ca tĕmĕranuxma bĕtsi nĕtĕnu cuainsa tani cuanti 'icĕn.

Ain ĥu 'atima 'acĕ cupĭ gobiernonĕn mĕnioquin 'atimocĕ usa uni ca ain nĕtĕnuax tĕmĕratĭ rabanan bĕtsi nĕtĕnu cuantima 'icĕn.

15.

Camabi uni ca ain netenu ití icēn.

Enē nētē minan 'aishbi ca minamma 'iti 'icē quixun ca unin bētsi uni catima 'icēn. Bētsi nētēnu 'isa tanquin ca unin usai 'inuxun gobiernobētan mēniotí 'icēn.

16.

Bētsi bētsi unix ca quia: Uni canice ixunbi ca bētsi netenu icē xanu bitima 'icēn, ca bētsi banan banacē xanu bitima 'icēn, ca an rabicē dios rabicēma xanu bitima 'icēn. Usa unix quicēsai ca 'itima 'icēn. Unin usa xanu canicē 'icē bisa tanquin ca bití 'icēn, a xanu cuēēncēbētan. Atux 'isa tani ca bēchicēnu 'ití 'icēn. Gobiernonēn iscēx ca a uni ain xanubē sēnēn 'icēn, xēnibua 'ainbi.

Nucē bēnē cuēēnquinshi ca xanu bití 'icēn, a andribi cuēēnia ca bití 'icēn.

Tuócama ain tita ain papabē 'aquiananti ca asóbi 'icēn. Usai upiti bucunun ca camabi unin sinantí 'icēn. 'Apunribi ca usai 'inun sinanxunquin 'aquintí 'icēn.

17.

Uni meñu 'isa tania ca uni itsin meñu 'inun ēnti 'icēn. Xuburibi 'imainun añu ñuñu cara uni 'isa tania ca uni itsin a ñuñu 'inun ēnti 'icēn. 'Aisa tanquin uni rairibētan mēnfotancex ca a ñu ainainshima, rairinanribi 'ití 'icēn.

Unin ca ain cuēēncēsa oquinshi bētsi unin ñu bitima 'icēn.

18.

Camabi unin ca ain cuēēncēsa oquin sinanti 'icēn; uni rairinēn ubiōcēma ca 'ití 'icēn. Uisoquin cara ain dios rabitisa tania usoquin ca 'ati 'icēn. Usaquin sinanxunbi ca amiribishi 'aisa tanquin sinantēcentí 'icēn; uni rairinēn ubiōcēma ca 'ití 'icēn. En rabicē diosan iscēx ca bētsi bētsi ñu 'ati 'aisama 'icē quixun sinancē uni ca bētsi unin a ain cuēēncēsabi oquin 'anun ēnti 'icēn. Usa ain ca ain diosmi catamēisa tania bētsi unin a 'axunma 'anun catima 'icēn. An rabicē dios ca anbi rabití 'icēn. 'Aisa tani ca uni rairibē timēquin abētan rabití 'icēn. Rabiquin ca 'aisa tanquin rairi uniribi ain dios ñuiquin 'unanmití 'icēn.

19.

Camabi unin ca ain cuēēncēsa oquin sinanti 'icēn. Ca ubiōcēma 'iti icēn. Ca bētsi unin cacē bana 'aisa tanquin sinanti 'icēn. Bētsi nētēnu 'icē unibēribi ca 'unanmiananti 'icēn. Usai 'i ca ubiōcēma ití 'icēn. Usaribi oi ca ain sinancē ñu ñui banatisa tani banatí 'icēn; ca ubiōcēma 'iti 'icēn.

20.

Uni rairibē timētisa tani ca uni upí oquiinschi sinanx timetí 'icēn.

Uinu 'icē uninbi ca bētsi unin abētan ñu 'aisama tania ubioxun ñu 'amitima 'icēn.

21.

Camabi unin ca libreta electoralñu 'ixun ain cuēēncēsa oquin 'apu caisquin votación 'atí 'icēn.

Gobiernonēn ain nētēnu 'icē unicama 'aquinun mēniocē ñucama ca camabi uninan 'icēn. Ca esa 'icēn: Bai cha anun ca carrocama 'imainun unicama cuainsa tani cuanti 'icēn. Anun quirica buanmití correo anun ca unin 'aisa tanquin ain quirica buanmití 'icēn. Usai ca 'iti 'icēn.

Uisa gobierno cara a nētēnu 'icē unicama cuēēnia, usa ca ain gobierno 'iti 'icēn. Uisa gobierno cara a unicama cuēēnia 'unónun ca libreta electoralñu 'icē unicaman quiricanu cuēñeoquin uicama cara ain 'apu 'ití cuēēnia quixun 'unónun 'ati 'icēn. Camabi uni ain sinancēsabi oquin ca uix 'apu 'iti cara cuēēnia, ain anē quiricanu cueneotí icēn. Cuēñeocē ca uni itsin 'unantima 'icēn, anbi cuēñeocē ca ití 'icēn. Camabi uni ca bētsibē sēnēn 'icēn. Usa 'aish ca camabi uni gobierno quicēsabi ol libreta electoralñu 'iti 'icēn.

22.

An ñu 'atima 'acēma 'aish ca uinu 'icē unixbi rabinima bētsi uni 'icēsai ñu meetinu ianan uni rairibē nuianancē 'ianan ain rairinēn ñu 'acē 'icēsaribi oi 'isa tani ití 'icēn. Uní usai 'icēma 'aish tēmērala ca uni itsin 'aquintí 'icēn, ain 'apunribi mēniocēsabi oi ca 'aquine ití icēn. Uní ain nētēnuax cara uisa ñu cara 'icēbē tēmēria ca bētsi nētēnu 'icē gobiernonēnribi 'aquinsa tanquin 'aquintí 'icēn.

23.

Camabi unin ñu mēētisa tanquin ca ñu meetí 'icēn. Añu ñu mēēti cara 'aisa tania a ñu mēēti mēraquin ca 'ati 'icēn. An ñu mēēmīcē unin ca ain uni 'atimotima 'icēn. Ñu mēēti 'alma 'ain ca 'apun ñu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin ñu meece 'ixun bētsi unin 'acēsaribi oquin ain cupí bití 'icēn.

Ui unin bētsi uni ñu mēēxuncē 'ixun ca ain cupí bití 'icēn, a 'imainun ain xanu 'imainun ain bēcīcēcama upiti bucunun. Ain cupí 'itsamashi bicē 'aish 'aquinsa 'icē ca apun anun a 'aquintí mēnfotí 'icēn.

An ñu mēēcē uni raíri unibē timēquin bētsibē bētsibē aquiananisa tanquin, ulsoquin cara ain ñu mēēti 'ati 'icē quixun sinónan uisa cara ain ñu meetí icē quixun acama sínónux timētia ca uni itsin usaquin anun enti icēn.

24.

Camaxbi ñu mēētancēx tantiti ca asóbi 'icēn. 'Uróinra tantiquinma ñu mēētancēx ca tantití 'icēn. Anun tantiti nētē gobiernonēn mēnlocēsabi oquin ca unin ñu mēēquinmabi ain cupí bití 'icēn.

25.

Camabi uni 'imainun ain xanu 'imainun ain bēchicēcama ēsai 'iti ca asóbi ''icēn: 'insincēma chuómarua, pitiñu, chupañu, anu itinu, insincē 'aish roñu 'iti. Uní ain ñu meetí 'alma, uní insince, uní bētsicē, xanu casunamēcē, uní xēni acama anun upiti 'iti 'alma 'ain, ain aintsin 'aquiníama ca a 'aquintí 'apun mēniotí 'icēn.

Tuóñu xanucama 'imainun tuócamaribí upití inun ca 'aquine ití icēn. Bētsi tuócama 'icēsaribitia 'inun ca unin xanumi sēcē' ocē tuócama bērdúnce ití icēn.

26.

Camabi tuó ca escuelanu atsintisa tani atsintí 'icēn. Cuploquinma ca primaria 'ati pain atsintí 'icēn. Camabi tuóratsu ca escuelanu cuanti 'icēn. Ui unicama cara escuela técnica anu atsintisa tania ca anu cuanti 'icēn, apun mēñiosabi oi. Secundaria cēñutancēxun bētsi ñuribi unantisa tani ca bētsi escuelanuribi atsintí 'icēn, ain nota asóbi ain.

Escuelanuxun ca quiricanu cuēñeocē ñuishi 'unanmicēma 'iti 'icēn. Anuxun ca alumnocama bētsi ñu 'atiribi 'unanmicē ití 'icēn, 'imainun ca upí oquian alunnonēn sinanti aribi 'unanmicē 'iti 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uní 'aish unibē nuibananti ca 'unanmicē 'iti 'icēn. Usaquin sinanmicēx ca gobiernocaman xucē unicama timēxun cuēēncēsabi oi unicama bētsibē nishanani 'acananti 'aima ití icēn.

Bētsi unin cacēsamaira oquin ca ain titabētan ain papan cati 'icēn, uisa escuelanuxuinra cara ain bēchicēnēn ñu 'unanti ice quixun.

27.

A ēmanu 'icē unicaman 'acēsa oquin ca anu 'icē uní rairinēn 'aisa tanquin usaribi oquin 'ati 'icēn. A ēmanu 'icē unicaman sinancēsa oquin ca anu 'icē uní rairinēn 'aisa tanquin usaribi oquin sinanti 'icēn, camaxunbi ñu 'ati upí oquin 'unónan upiti bucunun.

An ñu 'acē uní 'imainun an ñu cuēñeocē uní anpan 'acē 'ain ca bētsi unix, en 'acē ca quíax quitima 'icēn. Usai bētsi unix quití rabanan ca an ñu 'acē unin 'aisa tanquin an 'acē ñu a 'apu 'unanmití 'icēn.

28.

Enē quiricacama quicēsabi oi camabi uni uní itsin ublocēma upiti bucuti 'inun ca camabi nētēnu icē unin ain aintsí 'aquintí 'icēn.

29.

Camabi únin ca ain ēmanu 'icē unicama 'imainun a 'urama 'icē ain caibucama 'aquianan atubētan ain ēma 'imainun mecama upí imití icēn. Usaquin 'ai cuni ca unix masó sinancēma 'aish upiti 'ití 'icēn.

Unix ublocē 'aish upiti bucucēma 'imainun unin ñu 'atima 'aquin uni itsiribi ñu 'atima 'amiti 'imainun bētsi bētsi ñu sinanquin uni rafrī tsuóquirumiti usai 'iti rabanan ca gobiernonēn ain unicaman cuati bana mēñíoia. Usa oquin mēnlocē banacama ca ain unicaman cuati 'icēn.

Gobiernocaman xucēx timꞥcē unicaman upí oquin sinanquin ca ēnē banacama cuēñōxa. Usaribi oquin ca camabi unin ēnē bana isquin, usaquin sinanquin 'acē ca enex ice quixun upí oquin sinanti 'icēn. An 'acē unicaman sinancē bana ca bētsiotima 'icēn.

30.

Enē banacama bētsioquin ca uinu 'icē uninbi uni rafrīcama upiti bucunun quixun sinanquinma, 'ēx cuēñcēsa oquin 'anun ca a bana quia quixun sinantima 'icēn. Uni rafrī bētsi unibē timēcēcama 'imainun gobiernonu ice apucamanribi ca usa oquin sinantima icēn.